




2019-2020

Lecture de documents anciens

Intermédiaire

Document étudié n°1

1414 (4 mars) [copie du 15 février 1677]. – Fonds Vaillant de Meixmoron. Commune d'Is-sur-Tille, autorisation accordée par le duc de Bourgogne au seigneur de la ville d'exécuter une truie coupable d'avoir tué un enfant.



A tous ceux qui ces lettres verront, les gens du conseil de monseigneur le duc de Bourgogne estant a Dijon, commissaire en cette d'iceluy seigneur salut. Scavoir faisons que naguierre, de la partie de noble seigneur messire Gauthier de Boffremont dit de Ruppes, chevalier seigneur de Soye et de Trichatel, nous ont esté presentees et octroyez lettres patentes par luy obtenues et impetrees de mesdits seigneurs, desquelles la teneur s'ensuit :

Jehan, duc de Bourgogne, conte de Flandre, d'Artois et de Bourgogne palatin, seigneur de Salins et de Maligne, a nos amez et feaux les gens de nostre conseil a Dijon salut et dilection. Receu a nous humble supplication de nostre amé et feal chevalier conseilier chambellan messire Gauthier de Boffremont dit de Ruppes, seigneur de Soye et de Trichatel contenant que comme entre les autres seigneuries qu'il a, il soit seigneur en partie de la ville d'Yis au nom et a cause de dame Perrenelle de Richemont [Rougemont] sa femme, en laquelle ville d'Yis il a toute justice, haute, moyenne et basse et qui plus est, luy compétent et appartient en icelle ville d'Yis toutes executions criminelles quant elles y escheent, et il soit ainsy que poest. Et environ cinq ans a une truie eut tué un enfant en lad(ite) [...]

Archives départementales de la Côte-d'Or
www.archives.cotedor.fr



Archives départementales de la Côte-d'Or, E 2166/74




2019-2020

Intermédiaire

Document étudié n°1


Lecture de documents anciens



[...] en laditte ville d'Ys, laquelle truye pour ledit cas eus testé prise par les gens et officiers dudit suppliant et mise en prisons illec et encor y soit de laquelle trouye ledit suppliant ne peut lors faire execution comme il appartenoit, obstant certaine ordonnance ja piessa fait par feu monseigneur cher pere an Dieu pardonne, contenant que de tous cas de crime advenus audit duché de Bourgogne, aucune execution ou transport ne fut fait au royaume, hors dudit duché, pour lesquelles cas ordonnons iceluy suppliant se fust transporté des lors par devers nous en nous donnant a entendre ce que dit est dessus, et nous humblement suppliant que de nostre grace

luy voulissions donner et octroyer congé et license, defense, decret et leurs biens fourches ou finage de lad(ite) ville d'Ys pour executer laditte truye et tous autres cas de crime qui y adviendroit, laquelle grace et octroyé nous luy eussions des lors fait et de ce donné nos lettres patentes, lesquelles ne furent pas scellées mais eust mandé et escript a nostre amé et feal chancelier aux gens de nos comptes a Dijon que de ce et sur le contenu en nos [...]

[...] dittes lettres et du droit dud(it) suppliant, ils fissent ou fissent faire enqueste et sceussent la verité en renvoyant par devant nous ou nostre dit chancelier laditte enqueste pour sur icelles ordonnees ce que de raison soit, et combien que laditte enqueste ay testé des lors faite par feu maistre Pierre Bourgeois lors nostre baillly de Dijon, commissaire par nos dits gens des comptes appellé avec luy nostre procureur audit baillage et le chatelain de Saulz. Contenois pour ce que apres, laditte enqueste ainsy fait, ledit baillly ala de vie a trepassement, icelle estant dud(it) lieu, il n'en fut depuis rien fait, obstant aussy plusieurs grandes occupations que depuis ce avoit ledit suppliant pour nostre service tant ou



Archives départementales de la Côte-d'Or
www.archives.cotedor.fr



Archives départementales de la Côte-d'Or, E 2166/74



2019-2020


Intermédiaire

Document étudié n°1

Lecture de documents anciens

fiact de nos guerres que autrement. Ains, a tousiours demeuré et encore demeure icelle truye ez prisons dudict suppliant a grands fraits et confusion qui est chose perilleuse et dangereux a garder et en son grand prejudice et damage. Ce qu'il dit requerir sur ce nostre permission pourquoy tous ces choses considerez et les responses que nous a faict en nostre present voyage et arrivee que nous avons faict a Saint-Denys et et devant Paris, et en plusieurs autres [...]

[...] manieres, nous mandons et par ces presentes commettons que ce par information faict ou a faire, il nous appert deubment de laditte haulte justice que led(it) suppliant se dit avoir en sa seigneurie dudict lieu et finage d'Ys, vous luy fasiez et souffretz laissez faire, lever et construire une fourches à deux pilliers en tel lieu et place aud(it) finage d'Ys et en saditte haulte justice que par vous sera adviser et a luy pour se ordonner car ainsy nous plaict il estre faict et aud(it) suppliant pour consideration des dits services, l'avons octroyez et octroyons de grace special par ces presentes, non obstant lesdittes ordonnances faites par mondit feu seigneur et pere et quelconq(u) autres ordonnance, mandement ou deffence et lettres subreptices a ce contraire et de faire ce que dict estre a tous et a nos commissaires donnons pouvoir, mandons et commandons a tous en ce faisant estre obeys et entendus diligement. Donné en nostre ville d'Arras, le quatriesme jour de mars l'an de grace mil quatre cent et treize [1414], ainsy signé par monseigneur le duc et de Laboede.



Archives départementales de la Côte-d'Or
www.archives.cotedor.fr

